

Ստեփանակերտի քաղաքային համայնքի 2017 թվականի սոցիալ-տնտեսական զարգացման գերակա խնդիրները

1. Բազմաբնակարան շենքերի տանիքների վերակառուցման և բակերի բարեկարգման աշխատանքների իրականացում (հաշվառված են 127 բազմաբնակարան շենքերի տանիքներ, որոնցից 47-ը առաջնահերթ վերակառուցման կարիք ունեն: Առաջնահերթ բարեկարգման են ենթակա նաև 16 բազմաբնակարան շենքերի բակեր): Ճշտագրտված ցուցակները ներկայացված են ԼՂՀ քաղաքաշինության նախարարություն:

2. Քաղաքի ջրահեռացման /կոյուղաջրերի և անձրևաջրերի/ ամբողջական ցանցի ստեղծման կամ վերակառուցման աշխատանքների իրականացում:

3. Քաղաքապետարանի կողմից բնակչությանը մատուցվող ծառայություններն առավել արդյունավետ կազմակերպելու համար բնակչության ջրամատակարարման և ջրահեռացման, բազմաբնակարան շենքերի սպասարկման, ինչպես նաև աղբահանման բնագավառում գործող սակագների վերանայում /որոնք չեն համապատասխանում կազմակերպությունների կողմից իրականացվող ծառայությունների դիմաց կատարված վարձավճարներին/

<i>ԾԱՌԱՅՈՒԹՅԱՆ ԱՆՎԱՆՈՒՄԸ</i>	<i>գործող</i>	<i>հաշվարկված</i>
<i>- ջրամատակարարման և ջրահեռացման վճար (1 խոր.մ. դիմաց)</i>	<i>112 դրամ</i>	<i>186 դրամ</i>
<i>- բազմաբնակարան շենքերի սպասարկման վճար (1 ք.մ. դիմաց)</i>	<i>12 դրամ</i>	<i>20 դրամ</i>
<i>- աղբահանության ծառայության վճար (1 շնչի դիմաց)</i>	<i>120 դրամ</i>	<i>182 դրամ</i>

4. *Մայրաքաղաքի կոմունալ ծառայությունները նոր տեխնիկայով համալրում`*

4.1. *«Սանմաքրում» ՀՈԱԿ*

- *SISU մակնիշի բազմաֆունկցիոնալ (ինքնաթափ, ձնահավաք և ջրցան) մեքենայի հիմնանորոգում (վերանորոգման համար պահանջվում է` 10.0 մլն դրամ),*

- *արտակարգ իրավիճակներում աշխատանքները վերահսկելու նպատակով` ծառայողական մեքենայի ձեռքբերում (ամենագնաց ՎԱԶ 2121 “ՆԻՎԱ” մակնիշի ավտոմեքենա` 1997թ. արտադրության ԳԱԶ 3110 մակնիշի հնամաշ ավտոմեքենայի փոխարեն),*

- *աղբահավաք և ձնահավաք-աղցան մեքենաների ձեռքբերում:*

4.2. *«Ակադեմիկոս Թախթաջյանի անվան Ստեփանակերտի բուսաբանական այգի» ՓԲԸ*

- *տնկարանում ընկերությանը պատկանող վարչական շենքի հիմնանորոգում,*

- *ջրցան և բեռնատար մեքենաների ձեռքբերում,*

4.3. «Զրնուղ-Կոյուղի» ՓԲԸ

- ավտոտնտեսության թարմացում (ասենիզացիոն մեքենա, կոյուղագծերի վթարավերացման հատուկ մեքենա, ջրագծերի վթարավերացման հատուկ մեքենա, մինչև 3տ մինի մանիպուլյատոր, ջրաբախշիչ հորերի սպասարկման հատուկ մեքենա),

- «Մեղրագետի» պոմպակայանից մինչև ջրառ՝ ինքնահոս ջրագծի կառուցում,

- շուրջօրյա ջրամատակարարման ծրագրի ավարտում (Աջափնյակ և Կրկժան թաղամասերի ջրագծերի կառուցում և շուրջօրյա ջրացանցի հետ միացում),

- թիվ 2 գտիչ կայանի գտիչների վերակառուցում (գործում է ինքնաշեն վթարային տարբերակը),

- ջրամատակարարման նոր ցանցի արդյունավետ սպասարկման համար ժամանակակից տեխնիկական միջոցների ձեռքբերում (վթարի տեղորոշման սարք, կոյուղագծերի խցանումների բնորոշման և տեղորոշման սարք),

- ջրառների զինված պահակախմբի ապահովում:

5. Ծայրամասային փողոցների բարեկարգման /խճապատման/ աշխատանքների իրականացում:

6. Բազմաբնակարան շենքերի վերելակների հիմնանորոգում և վերակառուցում:

7. Զեռուցման ժամանակաշրջանի երկարաձգում՝ ժամկետը՝ 120 օրից դարձնելով 150 օր:

8. Քաղաքային նոր գերեզմանատան տարածքի ցանկապատում և բարեկարգման աշխատանքների իրականացում:

9. Մայրաքաղաքի հեռանկարային զարգացման համատեքստում՝ Արեշ, Աջափնյակ և 38-րդ թաղամասերում կառուցապատումը բնականոն կերպով շարունակելու նպատակով այդ թաղամասերի անհրաժեշտ ենթակառուցվածքների (ճանապարհներ, ջրամատակարարում-ջրահեռացում, գազ, էլեկտրոէներգիա) համալրում:

10. Ստեփանակերտի հեռանկարային զարգացման նպատակով 2009 թվականին Ասկերանի շրջանի Խնածախ համայնքից Ստեփանակերտի համայնքին է հատկացվել 174.0 հա հողատարածք: Սակայն առ այսօր լուծված չէ Խնածախի համայնքի և առանձին սեփականատերերի փոխհատուցման հարցը (ընդհանուր գումարը կազմում է՝ 155.0 մլն դրամ), ինչի պատճառով հնարավոր չէ իրագործել նշված տարածքի հետագա կառուցապատման և շահագործման ծրագիրը:

11. Հանրակրթական դպրոցների շենքային պայմանների բարելավում (առաջնահերթորեն՝ N 10 հիմնական դպրոցի հիմնարար նորոգում, Աջափնյակի N 12 դպրոցի մասնաշենքի չօգտագործվող մասի վերակառուցում մանկապարտեզի համար, տանիքի վերանորոգում, ինչպես նաև մարզադահլիճի կահավորում):

12. Հրետակոծությունից տուժած ու զոհված ազատամարտիկների ընտանիքների անհատական տների և բնակարանների վերանորոգման աշխատանքների իրականացում (ձշտգրտված ցուցակները ներկայացված են ԼՂՀ քաղաքաշինության նախարարություն):

13. Հրետակոծությունից լրիվ ավերված անհատական տների վերականգնման կամ փոխհատուցման աշխատանքների իրականացում (թվով 18 տուն, որոնց ցանկը ներկայացված է ԼՂՀ կառավարություն):

14. Ստեփան Շահումյանի անվան պուրակի շատրվանների հիմնանորոգում և զուգարանների կառուցում (47.0 մլն դրամ):

15. Վարարակն ջրառի ցանցի վերակառուցում: